

Хууль зүй, дотоод хэргийн сайдын
2022 оны ... дугаар сарын ...-ны
өдрийн ... дугаар тушаалын 3
дугаар хавсралт

**ӨМГӨӨЛЛИЙН ҮЙЛЧИЛГЭЭГ ҮНЭ ТӨЛБӨРГҮЙ ҮЗҮҮЛЭХ
ХУВИЙН ӨМГӨӨЛӨГЧТЭЙ БАЙГУУЛАХ ГЭРЭЭ**

20... оны ... сарын ... өдөр

№

Улаанбаатар хот

Энэхүү Өмгөөллийн үйлчилгээг үнэ төлбөргүй үзүүлэх хувийн өмгөөлөгчтэй байгуулах гэрээ (цаашид "гэрээ" гэх)-г нэг талаас Хууль зүйн туслалцааны төвийн аймаг/ дүүрэг дэх салбарыг төлөөлж ахлах улсын өмгөөлөгч (цаашид "салбар" гэх), нөгөө талаас өмгөөлөгчовогтой (цаашид "өмгөөлөгч", хамтад нь "талууд" гэх) бид Хууль зүйн туслалцааны тухай хуулийн 20 дугаар зүйлийн 20.3 дахь хэсэгт заасныг үндэслэн дор дурдсан нөхцөлөөр харилцан тохиролцож байгуулав.

Нэг.Ерөнхий нөхцөл

1.1.Энэхүү гэрээгээр салбар нь Өмгөөллийн тухай хуулийн 29 дүгээр зүйлийн 29.1 дэх хэсэгт заасан нийтэд тустай мэргэжлийн үйл ажиллагаатай уялдуулан зохицуулах, өмгөөлөгч нь өмгөөллийн үйлчилгээг үнэ төлбөргүй үзүүлэхтэй холбогдсон харилцааг зохицуулна.

1.2.Өмгөөлөгч нь энэхүү гэрээний хоёрт заасан ажил үүргийг гүйцэтгэнэ.

1.3.Өмгөөлөгч нь өмгөөллийн үйлчилгээг үнэ төлбөргүй үзүүлэх үйл ажиллагаанд хуульчийн мэргэжлийн болон өмгөөллийн үйл ажиллагааны зарчмаас гадна Хууль зүйн туслалцааны тухай хуулийн 4 дүгээр зүйлд заасан хууль зүйн туслалцааны зарчмыг баримталж, холбогдох хууль тогтоомж, энэхүү гэрээг чанд мөрдөнө.

1.4.Энэхүү гэрээг 20.. оны ... дугаар сарын ...-ны өдрөөс гэрээнд заасан ажлыг бүрэн гүйцэтгэж, гэрээг дүгнэх хүртэл хугацаатай байгуулав.

Хоёр.Хууль зүйн туслалцааны агуулга

2.1.Өмгөөлөгч нь Хууль зүйн туслалцааны тухай хуулийн 20 дугаар зүйлийн 20.1 дэх хэсэг, 20.3 дахь хэсэгт заасны дагуу дараах өмгөөллийн үйлчилгээг үзүүлнэ:

2.1.1.
.....
.....
.....
.....

Гурав.Талуудын эрх, үүрэг

3.1.Өмгөөлөгч нь Өмгөөллийн тухай хуулийн 13 дугаар зүйлд заасан эрхээс гадна дараах эрхтэй:

3.1.1.гэрээгээр хүлээсэн үүргээс бусад салбарын хууль бус шаардлагыг биелүүлэхээс татгалзах;

3.1.2.салбарын санал болгосон үйлчлүүлэгчийн эрх, хууль ёсны ашиг сонирхлыг хамгаалан тууштай ажиллах.

3.2.Өмгөөлөгч нь Өмгөөллийн тухай хуулийн 14 дүгээр зүйлд заасан үүргээс гадна дараах үүрэгтэй:

3.2.1.хуулийн хүрээнд, хуульд үл харшлах арга, хэрэгслийг ашиглан салбарын санал болгосон үйлчлүүлэгчийн эрх, хууль ёсны ашиг сонирхлыг бүрэн, тууштай хамгаалж, зохих үр дүн гаргахын төлөө ажиллах;

3.2.2.салбарын санал болгосон үйлчлүүлэгчид хууль зүйн туслалцаа үзүүлж, хэрэг маргааныг шийдвэрлүүлэх явцад сонирхлын зөрчил үүссэн тохиолдолд даруй салбарт мэдэгдэх;

3.2.3.үйлчлүүлэгч төлбөрийн чадвартай болох нь нотлогдвол өмгөөллийн үйлчилгээ үзүүлэхээс татгалзах;

3.2.4.Хууль зүйн туслалцааны тухай хуулийн 17 дугаар зүйлийн 17.1.3 дахь заалтад заасны дагуу хэргийн хувийн хэргийг бүрдүүлж, тайлагнах.

3.3.Салбар дараах эрхтэй:

3.3.1.өмгөөлөгчөөс гэрээгээр хүлээсэн үүргээ зохих ёсоор биелүүлэхийг шаардах;

3.3.2.өмгөөлөгч гэрээгээр хүлээсэн үүргээ биелүүлээгүй, салбарын санал болгосон үйлчлүүлэгчийн эрх, хууль ёсны ашиг сонирхлын эсрэг аливаа үйлдэл хийсэн тохиолдолд өмгөөлөгчид мэдэгдэж, салбар гэрээг дангаар цуцлах.

3.4.Салбар дараах үүрэгтэй:

3.4.1.өмгөөлөгчид үнэн зөв, бодитой мэдээлэл, баримт, материалыг гаргаж өгч хууль зүйн туслалцаа үзүүлэхэд шаардагдах бүх талын дэмжлэг туслалцаа үзүүлэх;

3.4.2.салбарын үйл ажиллагааг Өмгөөллийн тухай хуулийн 29 дүгээр зүйлийн 29.1 дэх хэсэгт заасан нийтэд тустай мэргэжлийн үйл ажиллагаатай уялдуулан зохицуулах.

Дөрөв.Хариуцлага

4.1.Өмгөөлөгч нь гэрээгээр хүлээсэн үүргээ бүрэн биелүүлээгүй, хуульчийн болон өмгөөлөгчийн мэргэжлийн үйл ажиллагааны дүрэм болон хууль зөрчсөн тохиолдолд Монголын Хуульчдын болон Өмгөөлөгчдийн холбооны мэргэжлийн хариуцлагын хороонд шилжүүлж шийдвэрлүүлнэ.

4.2.Үйлчлүүлэгч нь өмгөөлөгчийн өгсөн хууль зүйн зөвлөгөөг аваагүйгээс үүсэх үр дагавар, хариуцлагыг өмгөөлөгч хариуцахгүй.

Тав.Нууц хадгалах

5.1.Өмгөөлөгч нь хууль зүйн туслалцаа үзүүлэх явцдаа олж мэдсэн Салбарын болон үйлчлүүлэгчийн нууцыг хугацаагүй хадгална.

Зургаа.Хориглох зүйл

6.1.Гэрээний үүрэг биелүүлэх явцад дараах үйл ажиллагааг хориглоно:

6.1.1.өмгөөлөгч нь ажлын үр дүнгийн талаар салбар болон үйлчлүүлэгчид ямарваа нэг байдлаар амлалт, баталгаа өгөх;

6.1.2. өмгөөлөгч нь гэрээний 6.1-д заасан үйлчлүүлэгчийн нууцыг ашиг олох, хувийн болон бусад зорилгоор ашиглах, задруулах;

6.1.3. үйлчлүүлэгч нь өмгөөлөгчөөс хууль зүйн туслалцаа үзүүлэх явцад хууль зөрчсөн аливаа үйлдэл хийхийг шаардах;

6.1.4. салбар нь өмгөөлөгчийн нэр төр, алдар хүндэд харшлах үйлдэл хийх, өмгөөлөгчийг ашиг сонирхлын зөрчил, хараат байдалд оруулахуйц харилцаа холбоо үүсгэх, хууль бус шаардлагыг биелүүлэх талаар хүсэлт, шаардлага гаргах.

Долоо. Гэнэтийн болон давагдашгүй хүчний шинжтэй онцгой нөхцөл байдал

7.1. Гэнэтийн болон давагдашгүй хүчний шинжтэй онцгой нөхцөл байдал гэдэг нь талуудын хүсэл зориг, хяналтаас гадуур, урьдчилан таамаглах, урьдчилан сэргийлж, шинжлэх ухаан, техникийн ололтыг ашиглан даван гарах боломжгүй дайн самуун, зэвсэгт мөргөлдөөн, нийтийг хамарсан эмх замбараагүй байдал, аюулт үзэгдэл /Гамшгаас хамгаалах тухай хуулийн 4.1.2 захь хэсэг/, ажил хаялт, төр захиргааны байгууллагын шийдвэр зэрэг нөхцөл байдлыг хамааруулна.

7.2. Талууд гэрээний 7.1-д заасан нөхцөл байдлаас үүдэн гарах үр дагаврыг хариуцахгүй бөгөөд гэрээний үүргийн гүйцэтгэл нь уг нөхцөл байдлыг дуусгавар болох хүртэл хугацаанд түдгэлзэнэ.

Найм. Бусад

8.1. Талууд гэрээнд гарын үсэг зурснаар хүчин төгөлдөр болох бөгөөд гэрээнд харилцан тохиролцон нэмэлт өөрчлөлт оруулж болно. Гэрээний нэмэлт өөрчлөлт нь бичгээр үйлдэгдэх ба энэхүү гэрээний нэгэн адил хүчинтэй.

8.2. Гэрээнээс үүдэн гарсан аливаа маргааныг талууд харилцан зөвшилцлийн журмаар шийдвэрлэнэ. Зөвшилцөлд хүрээгүй тохиолдолд шүүхэд хандаж шийдвэрлүүлнэ.

8.3. Гэрээг 2 хувь үйлдэж талууд тус бүрд нэг хувь хадгалагдана.

8.4. Талууд харилцан тохиролцож гэрээг хугацаанаас нь өмнө цуцалж болох бөгөөд энэ тохиолдолд гэрээг цуцлах санал гаргаж буй тал 14-өөс доошгүй хоногийн өмнө нөгөө талд бичгээр мэдэгдэнэ.

ГЭРЭЭ БАЙГУУЛСАН:

Салбарыг төлөөлж:

...../...../
(гарын үсэг) (нэр)

Утас:

И-мэйл хаяг:

Хаяг:

.....

Өмгөөлөгчийг төлөөлж:

...../...../
(гарын үсэг) (нэр)

Утас:

И-мэйл хаяг:

Хаяг:

.....